

A painting of Jesus Christ, shown from the waist up, reaching out his right hand towards a white lamb. He has dark hair and a beard, and is wearing a yellow tunic over a brown shawl. He holds a wooden staff in his left hand. The background shows a green hillside and a blue sky.

ERĪWATĪKYA ERĪKALŪA ENDATA

Kyakokotibawa na
Watson Goodman

Ni kya busa—
si ky'erīgū libwa

ERĨWATĨKYA ERĨKALŨA ENDATA

ERĨWATĨKYA ERĨKALŨA ENDATA ni kitabu ekikahindanaya emilondo y'eBiblia oko myatsi mikulu-mikulu eyikakangiriribawa omo Biblia. Nyikiriryе nyiti erukumbula ly'amasako likalua omo yindi milondo y'eBiblia.

Ekinywa kya Nyamuhanga kikalua "endata", kandi kwenene kikawatikaya emitima y'ab'enzala n'enyota eriminya eritunganene. Omugulu omundu akabindula omutima n'erireka ebibi; n'eriangirira Yesu Kristo omo mutima wuwe ng'Omulamya, Nyamuhanga akamusulaya n'obutseme n'obuholo. Monaminya ekyo oko mwaka wa 1937, omugulu nasakana na Yesu Kristo. N'erihika lino nyine buguma naye. Neryo ngakulemba-lemba nawe nyiti, wangirire Yesu omo mutima wawe ng'Omukama n'Omulamya wawe, wamabya isuliwamuminya.

Ni ngye Watson Goodman (1920-2002)

Olwanzo Lwa Nyamuhanga

1

Abanya Roma 5:8

Nikwa Nyamuhanga akakanganya olwanzo luwe busana nétu, kusangwa omugulu twabya tukine bakola nabi, Kristo mwatuholera.

Yoane 13:1

Nikwa embere w'Ebiro Biku-lu by'Erikiruka, Yesu mwaminya kw'endambí yiwe yamabihika ey'erilúa omo kihugo kino eriya eyiri Íse. Abya iniabiryanza abuve ababya omo kihugo, kandi mwanzabo erihika oko ndúlî.

Eribísúlirwa 1:5

Kandi bikalúa uku Yesu Kristo, omútúlî oyuteregula, Omuga-

la, akambere oyo walübükiba-wa oko luholo, omütabalí w'abami b'ekihugo.

Yoane 3:16

Kusangwa Nyamuhanga mwanza ekihugo kyo atya kyaleka ini-aha Mugala wuwe, Ekyusa ki-we, neryo oyukamwíkíraya syahere, nikwa abyé n'engete y'erikota.

Yeremíia 31:3

Omwami Mukulu mwahuluka kubo, akalúa hali ati, Ísraelí, nabirikwanza n'olwanzo lwa kera na kera. Neryo omo bubuya b'olwanzo nabirikuleta.

Matayo 1:22, 23

Níkwa ebyosī ebī mobyabya
bitya erīberererya ebyo Mukama
abūgīra omo mūmīnyererī ati,
Lebaya omumbesa asyaheka obu-
kule, asyabuta omugala, n'erīna
liwe lyasyahulwa mo Emanūelī,
nī 'būga ambu: Nyamuhanga ha-
guma netu.

Yoane 14:9, 10

Yesu mwamubwira ati, Nabiri-
bya nenyū omugulu ungaha, nī-
kwa sulitanyiminya kwehī Filīpo?
Oyo wamanyilangira iniabirilang-
ira Tata. Busana nakī ūkabūga
utī, Utūkangaye Tata kwehī? Fi-
līpo, sūlikīrīraya ko nyimatike-

ne na Tata, na Tata kw'amatike-
ne ūkw'īngye kwehī? Ebīnywa
ngababwira sīndībūgabo omw'iyi-
hana lyage. Níkwa Tata oyumatikene
nage akakola emibīrī yiwe.

Yoane 1:1, 14

Okw'ītsūka ly'erīmbere Ekīny-
wa kyabyaho, Ekīnywa ekyo kya-
bya haguma na Nyamuhanga, ka-
ndi Ekīnywa ekyo kyabya Nyamuhanga.
N'Ekīnywa ekyo mo-
kyabya mundu, naye mwīkala
omo katikatī ketu. Netu motwa-
langira olukengerwa luwe ilos-
wīre n'olukogo n'ekwenene. Olu-
kengerwa olū Iwabya olwa Muga-
la Ekyusa ekyabutawa na Tata.

Abanya Kolosař 2:9

Kusangwa erimatikana na Kristo liwite erihikana lyosi lya Nyamuhanga omo mubiri.

Matayo 17:5

Abere akinabuga; ekitü ekika ngabasenie mokasüküliryabo; neryo omulenge mwalua omo kitü ati, Oyü ni Mugala wage mwanzé, namamutseméra ndeke; mümwowe.

I Yoane 4:15

Kandi oyukaliga ati Yesu ni Mugala wa Nyamuhanga, neryo Nyamuhanga amatikene naye, kandi naye amatikene na Nyamuhanga.

Luka 1:35

N'omulaika mwamüsübiryा ati, Omülimü Abüyirire asyakühika-ko, n'obütokí b'Owendata Kutsibu bwasyaküsüküliryá; busana n'omwatsi oyo, omwana abüyirire oyo wasyabuta asyahulwa mo Mugala wa Nyamuhanga.

Ísaya 9:6

Kusangwa omwana asyabutwa busana netu, twasyahabwa omugala. N'obutabale bwasyabya oko bitigo biwe. Erina liwe lyasyahu-iwa mo Mühani w'Eriswekera, Nyamuhanga Omütokí, Tata w'Erikota, Omunya-mwami w'Obuholo.

Yesu akatubwira iye nga nindi

Yoane 9:5

Omugulu nyikine omo kihugo
indi kyakakala ky'ekihugo.

Yoane 10:7

Neryo Yesu mwabūga nabo ka-
ndi, ati, Kwenene, kwenene ngabūga
nenyū, īngye indi lūkyo
lw'esyombūlī.

Yoane 6:35

Yesu mwabūga nabo ati, īngye
indi bundu bw'engebe. Oyukasa
kwīngye siendīsyakwa nzala na
kera, n'oyūkanyīkīrīraya siendīsy-
akwa nyota na kera.

Yoane 11:25

Yesu mwamubwira ati, īngye
indi erīlūbūka, n'engebe. Oyūka-

nyīkīrīraya asyabyaho nomo ang-
ahola.

Yoane 13:13

Mukanyahula mo Mūkangīrī-
rya n'Omukama, mūkabūga nde-
ke, kusangwa īngye ko nyine nyi-
tya.

Yoane 8:58

Yesu mwabwirabo ati, Kwene-
ne, kwenene ngababwira nyiti,
Abrahamū ate abutwa, INYINE.

Yoane 8:23

Kandi abya akabwirabo ati, īn-
ywe muli b'eyīkwa, īngye indi
w'endata; īnywe muli b'ekihugo
kino, īngye sindi w'ekihugo kino.

Matayo 20:34

...Neryo Yesu mwakwírabo bülige, neryo mwatüla oko meso wabo; neryo-neryo mobabana eri-langira, mobamukwama.

Lüka 5:4-6

Neryo Yesu abere abibuga eribüga, mwabwira Petero ati, Mu-ye ahali omutobero, mütogeraye-ho ebísohí byenyü, musohe. Neryo Símoní mwamüsübírya ati, Mukama, bukere tukayitsinga kutsibu, neryo sitwetabanakí! Níkwa busana n'ekínywa kyawe ngandítogerya mw'ebísohí. Neryo babere babikola batya mobahamba amahere mangi n'ebísohí mobyasonda erítwíka.

Matayo 14:19-21

Níkwa Yesu mwahamula esyondeko ati bïkale ahisi oko biti; neryo mwímya amandu atanu ayo n'amahere abiri, mwalalamira elubula, mwaha ewasíngya uku Nyamuhangá. Neryo mwatsütsanga amandu, mwahago abiga, n'abiga mobahago oko bandu ababya omo ndeko. Abosí mobalya, mobügütä. Neryo mobasongya ebitahangukira ebyasaka, mobüsülyä ebitiri íkumí na bibiri. Neryo abalume abalyabyo babya nga elfu ítanu (5000), abakalí n'abana bataganzíre kubo.

Abanya Roma 14:9

Kusangwa Kristo mwahola ne-ryo mwaswabyaho, atoke eribya Mukama w'abaholire n'abaliho.

Abaebrania 1:2

Nīkwa omo biro ebī by'enyū-ma-nyūma abīrībūga netu busana n'omugulu wuwe. Nīkwa Nyamuhanga mwahangika omo byala bya Mugala wuwe ekihugo n'e-byosī ebiri omo kyanya. Kandi Nyamuhanga abīrīhīra Omugala wuwe eribya mwenye myatsi yosī.

Abanya Kolosaī 1:16

Kusangwa Nyamuhanga mwahangika ebindu byosī omo byala bya Kristo, ebiri omo lubula, n'e-

biri oko kihugo, ebindu ebikalo-lawako, n'ebindu ebitelolawako nomo byangabya mami, kutse abakama, kutse abatabalī, kutse ab'ehamūlī, Nyamuhanga mwahangika obuli kindu omo byala bya Kristo, na busana naye.

Yoane 1:3

Kandi busana naye emyatsi yosī moyahuluka eribyah, isihali kindu ekyahangikawa ekyo atahangika.

Emībīrī 2:36

Neryo abandu bosī ba Israēl baminye ndeke ngoko Nyamuhanga abiriyira Yesu oyo mwabamba oko musalaba, mo Mukama na Kristo.

Matayo 25:32

N'ebihanda byosī byasyahinda-nibwa embere siwe; kandi asyaso-lolabo ng'omūlisya kw'akaso-lola esyombūlī oko byala biwe by'amali, n'esyombene-hene oko malembe.

Abanya Roma 14:10

Nīkwa nawe, busana nakī ukatswera mūlikyenū kwehī? Kandi nawe busana nakī ukapona mūlikyenū kwehī? Kusangwa ītwe bosī twasyahangana embere w'ekitumbī ky'eritswera kya Nyamuhanga.

Abanya Roma 2:16

Engulu yowene eyo ngatulaganaya iti, ko kyasyabya kitya oko

kiro Nyamuhanga asyatswera, omwisi wa Kristo Yesu, emyatsi n'amalengekanīa w'abandu ebībīsamire.

II Timoteo 4:1

Ngakuhana embere sya Nyamuhanga n'embere sya Yesu Kristo, oyo wasyatswera abandu bosī, abaliho, n'babirihola. Kandi ngabahana busana n'erihīka lya Kristo n'Obwami buwe.

Emībīrī 10:42

Neryo Yesu mwatuhana ati tūkangīrīraye Engulu Yowene oko bandu, n'eritulago kw'ali Oyo Nyamuhanga ahīra mo mūtswerī w'abaliho, n'omūtswerī w'abaholire.

Erilama liri uku Kristo musa

Emībīrī 4:12

Neryo erilama siriri omo gun-di mundu, kusangwa Nyamuha-nга syalitahula erindi rīna omo kihugo kyosī omo katikatī k'abandu, eryangatūlamya.

Busane n'ekyo akatoka erīlam-ya lino n'ebiro byosī abakahika uku Nyamuhanga busana naye. Kandi akakota busana n'erisabi-rabo.

— Abaebrania 7:25

Yoane 10:9

Ingye indi lūkyo, omundu ami-ngirira ūkw'ingye asyalamibwa; kandi asyingira n'erihuluka, n'er-ribana eby'erirya.

Yesu mwamubwira ati, Ingye indi nzira, ingye indi mwatsi w'e-

kwenene, īngye indi ngebe; siha-li mundu ūkahīka uku Tata ate-kwīngye.

— Yoane 14:6

Kikaleka inababwira nyiti, Mwasyahola omo bibi byenyū. Kusangwa mwamatendikirīrya ko nyiri ye, mwasyahola omo bibi byenyū.

— Yoane 8:24

Abaebrania 5:9

Kandi abere abiyirwa m'oyū-hīkene, mwabya nzūko y'erilama eya kera na kera busana n'abosī abakamwowa.

Abanya Roma 3:24

Nyamuhanga akatungananaya abandu omo lūsūnzo lw'olukogo luwe busana n'eritongolibwa, eri-kabanika busana na Kristo Yesu.

Lūka 19:10

Kusangwa Omugala w'Omunden mwasa erisonda-sonda n'erilamya ababya batere.

Abanya Korīnto 1:30

Nikwa Nyamuhanga abīrībamatikanī na Kristo Yesu. Kandi Nyamuhanga abiriyira Kristo eribya menge wetu. Busana na Kristo tukatunganana embere sya Nyamuhanga, kandi busana na Kristo tukabya bana ba Nyamuhanga, n'eribya bwīranda.

Erībīsūlīrwa 5:9

Nabo mobimba olwimbo luhya-luhya bat, Uwe utolere erimba ekitabu n'erītwa ebībohī by-

akyo. Kusangwa wakerawa, kandi omo musasi wawe mowagula abandu busana na Nyamuhanga, omo buli kihanda, n'obuli mūbūge, n'obuli bandu, n'obuli kītūnga.

Tīto 2:14

Kristo mwayiha busana netu erītūtongolya oko bibi byosī, n'erīryea abandu busana naye iywene-wene, abali n'omūhwa w'erikola emībīrī yowene.

Abanya Kolosai 1:12

Mutseme n'eriha ewasīngya uku Tata, oyo waleka imwatoka erisangira ebyo Nyamuhanga abirilaga abandu buwe omo bwami bw'ekyakakala.

Obūtokī b'omusasi wa Kristo

Kusangwa twabīrītongolibwa omo musasi wa Kristo, kandi abi-ritubuyira amalolo wetu. Kwene-ne olukogo Iwa Nyamuhanga ni lunene. — Abanya Efeso 1:7

I Yoane 1:7

Nikwa emibere yetu yamabya y'ekyakakala ngoko Kristo ali omo kyakakala, tukabya haguma omo buguma, n'omusasi wa Yesu Omugala wa Nyamuhanga aka-tweraya kw'ebibi byosi.

I Petero 1:18, 19

Kusangwa mūnasi momūtato-ngolibwa oko mitsye mitya-mitya n'emigendere y'abotata-kulu we-nyū, omo bindu ebikahera, ng'e-bītsīpa kutse esyamagetsi. Nikwa

mwatongolibwa omo musasi wa Kristo ow'obūgūlī bunene, naye abya ng'ekyana ky'embūlī ekite kw'ekītingū kutse bulema.

Abaebrania 9:14

Kumbe kwilaba aho, omusasi wa Kristo akeraya. Kristo omo Mūlīmū w'erikota mwayiha uku Nyamuhanga ng'obuhere obute ko kītingū. Omusasi wuwe oyo akeraya obunyamutima bwetu oko mibiri eyīkatwīta, itwatoka erikolera Nyamuhanga oyuliho.

Neryo twamabya twabiriyirwa mo batunganene busana n'omusasi wuwe, neryo kwilaba aho, Kristo asyatūlamya okw'ihitana lya Nyamuhanga.-Abanya Roma 5:9

Simuleke omundu n'omuguma eribatebya omo bīnywa by'obusa. Kusangwa busana n'emyatsi eyī erihitana lya Nyamuhanga lya-syahīka oko bandu abakayisambula. — Abanya Galatīa 5:6

Neryo kusangwa twabiriyirwa mo batunganene busana n'erikirīrya, tunawite obuholo uku Nyamuhanga, n'obuholo obo mobwhīka busana n'Omukama wetu Yesu Kristo. - Abanya Roma 5:1

Yoane 20:31

Nikwa ebī bīsakīre imwatoka erikirīrya Yesu kw'ali Kristo, Omugala wa Nyamuhanga, neryo omw'ikirīrya erī imwabana engebe omo līna liwe.

Abanya Efeso 2:8, 9

Kusangwa mwabīrlamībwa omo lukogo Iwa Nyamuhanga omo nzira y'erikirīrya; n'erilama eryo si 'kola lyenyū, nī lūsūnzo Iwa Nyamuhanga. Omundu syayipipe, kusangwa sī mūbīrī w'omundu.

Kusangwa oyūbūtīrwe na Nyamuhanga akakīnda ekihugo. Neryo erikirīrya lyetu lyo lyabīrīkīnda ekihugo. — I Yoane 5:4

Yoane 6:28, 29

Neryo mobabūlya Yesu bati, Tuyire tuti tutoke erikola emibīrī ya Nyamuhanga kwehī? Yesu mwasubīryabo ati, Omūbīrī wa Nyamuhanga goyū: mwīkīrīraye oyo Nyamuhanga atuma.

Esyonyimbo 108:4

Olwanzo Iwawe olutyusa lūkahīka elubula, eritendalegula lyawē likahīka omo kyanya.

Esyonyimbo 103:17

Nikwa olwanzo lw'Omwami Mukulu busana n'abandu abakamūsīkaya, lukabyaho biro byosī, n'obubuya buwe bukabyaho busana n'esyondengo syosī.

Ngoko ekyanya kiri endata oko kihugo, litya olwanzo luwe ni lunene busana n'abandu abakamuba. — Esyonyimbo 103:11

Nyamuhanga mwatūlamya. Si busana n'emībīrī itunganene twakola, nikwa busana n'eriganyira

liwe, Omūlīmū Abūyīrīre īnīkat-weraya, kandi akatubuta buhya-buhya, n'erituha engebe nyihyaniyhya. — Tīto 3:5

Ebibuya by'Omwami Mukulu byalekīre itutaherībwa, kusangwa eriganyira liwe sīriyūmbaya. Ni rihya-lihya obuli ngyakya-ngyakya. Obutalegula bwawe ni bune-ne. — Ekiriro 3:22, 23

Nindi yo Nyamuhanga nga we, oyukabuyira ebibi, n'erikiruka okw'ihona ly'amasi galira w'abandu buwe kwehī? Syalibika erihitana liwe kera na kera, kusangwa akatseméra obubuya b'olwanzo. — Mika 7:18

Eribisulirwa 22:17

Omūlimū n'omūherūkī, baka-būga bati, Mwase! N'oyūkowa akabūga ati, Mwase! N'oyūkwire enyota ase, n'oyo wanzire īmaye amagetsi w'engetsi butsira erigula.

Yoane 7:37

Neryo oko kiro ky'enyūmanyūma ky'ebiro bikulu ebyo, ekiro kinene ky'eryusa, Yesu mwahangana mwabūga n'omulenge munene ati, Omundu amakwa enyota, ase kwīngye apūlaye.

Isaya 55:1

Ego! Obuli mundū oyūkwire enyota, mwase oko magetsi; n'īn-

ywe mutawite esyofranka mwase, mugule, mulye; ega, mwase, mugule ebīnyū n'amasabū butsira franka kandi butsire būgūlī.

Matayo 11:28

Mwase ūkwīngye, īnywe bosī ko mukanuba n'eriheka ebīrītohī-re, ngandībalūhūkya.

Isaya 1:18

Omwami Mukulu ati, Mwase lino, tūkanaye haguma. Nomo ebibi byenyū byangabya ng'enga-la, byasyabya byeru ng'enzururu. Nomo byangabya ng'omunyama, byasyabya ng'obweya bw'esyombūlī.

Yoane 1:12

Nikwa abosi abamukokaya, n'erimwirikirya, mwahabo ehamuli eribya bana ba Nyamuhanganga.

Abanya Filipi 2:15

Imwatoka eribya abakumayire, n'eribya bandu babuya, abana ba Nyamuhanganga abate ko mwatsi, abikere omo katikatii k'ekihugo kihengemire, n'eky'omwaga. Nenyu mukaminyikala ng'esyotala omo kihugo.

Abanya Roma 8:14, 15

Kusangwa abosi abakasondolawa n'Omulimuu wa Nyamuha-

nga bo bagala ba Nyamuhanganga. Kusangwa Omulimuu oyo Nyamuhanganga abaha, syalibayira mo bakobe, syalireka mukubaha. Nikwa Omulimuu akabayira mo bagala ba Nyamuhanganga; kandi omo butokii bw'Omulimuu tukabirikira тути, Tata! Tata!

II Abanya Korinto 6:17, 18

Kusangwa Omukama akabuga ati, Muluue omo katikatii kabo, muyisolole. Kandi simutule oko kindu ekitisiri. Nage nasyabakoya, nasyabya Tata wenu, ne nyu mwasyabya bagala bage na bali bage, Omukama w'Obutoki bosii akabuga atya.

Emisyō 23:31, 32

Susamalire obwabū omugulu būgatsūkīre, omugulu bukabimba omo lūtehī, omugulu bukandaga-la bukamereka. Oko ndūlī buka-luma ng'enzoka, n'eribanda ng'e-nzwira.

Abanya Galatia 5:19-21

Neryo erikola ly'omūbīrī limi-nyikere ndeke, lyerī: erīsingīra, obūkīne, amaragane, erisaba es-yosanamu, erilagula, obūyīgū, erilwa, obūha, erihitana, erinege-na, erīkangīrīrya amabehī, erit-sura, erīkūnda, eritamira n'em-yatsi yosī eyiri ng'eyī. Ngababwi-ra ndeke kandi nyiti, abakakola ebīrī ng'ebī sibendisyabana om-

wanya omo Bwami bwa Nyamu-hanga.

Isaya 5:11

Obūlīge ukw'abo abakatsindu-ka omo ngyakya-ngyakya batī ba-kwame obūhīre kutsibu, abakasi-ba omo kiro erīhīka aho bīnyū bīkatamīrīrayabo.

Abanya Roma 13:13, 14

Tulendere ngoko litolere omu-gulu bukere, situtamire n'erīkūnda, situbye n'oburagane n'esyo-ngumbu nyibi, situlwe, situbye n'obūha. Nīkwa muleke Yesu Kristo abyē oyukabalwira n'ebi-ndu biwe by'amalwa, simubye n'obūlengekanīa bw'omubiri eri-kwama esyongumbu syago.

Matayo 22:37, 38

Neryo mwamubwira ati, Wanze Omukama Nyamuhanga wawe n'omutima wawe gosi, n'ekirimū kyawe kyosi, n'obulengeteka-nia bwawe bosī. Ekihano kikulu ky'erimbere kyekyo.

Mariko 10:17-22

Neryo omugulu Yesu atsūka olugendo luwe, omundu mwatibita aho ali, mwakükama embere siwe, mwamübulya ati, Mükangiriry a mubuya, nyikolekī eribana engebe y'erikota kwehī? Yesu mwamübulya ati, Busana nakí ukanyahula mo mubuya kwehī? Sihali mubuya nina Nyamuhanga

iyowene. Únasī ebihano: biti, Ísi-wita; ísiwasíngíra; ísiwiba; isiwabihira bandi; isiwateba; üsikaye tata wawe na koyo wawe. Neryo omundu oyo mwabūga ati, Mükangiriry a, ebyosi ebyo nabirikolabyo eritsūka omo bwana bwa-ge. Yesu mwamusamalira n'erimwanza, mwamubwira ati, Úkisiya mwatsi muguma. Ugende, ügūlaye ebyosi ebyo uwite, uhe by'oko bera, nawe wasyabya n'ebindu elubula; neryo wase, unyikwame. Omundu oyo abere abyowa ebinywa ebyo, obüsū buwe mobwasunza, mwalūaho n'obūluge, kusangwa aby a wite bindu bingi kutsibu.

Abanya Galatia 6:3

Omundu amayitendera ng'o-mundu, kwesi si mundu, iniakayi-tebaya.

I Yoane 3:7, 8

Bana bage balere, simuleke omundu akabateba. Omundu oyukakola ebitunganene, atunganene ngoko Kristo naye atunganene. Nika oyukakola ebibi ni wa Setani, kusangwa Setani atula aka-kola ebibi eritsuka erimbere.

I Abanya Korinto 6:9, 10

Kandi simwasii abatatunganene ko batendisyasangira oko bwa-mi bwa Nyamuhanga kwehi? Simutebībawe; ab'amaragane, kutse abakasaba esyosanamu, kutse

abateti, kutse abalume abakate-tana, kutse abibii, kutse abatsuri, kutse abaneyeyi, kutse abakundi-rya, kutse abakatsuma, aba sibe-nidisyasangira oko bwami bwa Nyamuhanga.

Yakobo 1:22

Mubye bandu abakakola n'er-yowa ebinywa bya Nyamuhanga, butsira abakahulikirira lisa n'eriyyiteba.

Abanya Efeso 5:6

Simuleke omundu n'omuguma eribatebya omo binywa by'obusa. Kusangwa busana n'emyatsi eyi erihitana lya Nyamuhanga lyasyahika oko bandu abakayisamambula.

Neryo esyongumbu siwe nyibi syabiheka obukule sikabuta ebi-bi, n'ebibi byabikula bikaleta oluholo.

— Yakobo 1:15

Ezekiel 18:20

Omundu oyukakola ebibi asyahola. Omugala syendisyaheka erisuyira ly'ebibi by'ise, kutse ïse syendisyaheka erisuyira ly'ebibi by'omugala. Ebitunganene by'o-yutunganene byasyamubyako, n'ebibi by'omubi byasyamubyako.

Abanya Roma 8:6, 7

Kusangwa obûlengekania obukakwama omubiri bukaleta oluholo; nîkwa obûlengekania obukakwama Omûlîmû bukalete en-

gebe n'obuholo. Kusangwa omundu oyukakwama obûlengekania bw'omubiri nî nzîgû uku Nyamuhanga. Syalyowa Emigambo ya Nyamuhanga, kandi syalitoka eryowayo.

Abanya Roma 5:12

Neryo ebibi mobyahika munakihugo busana n'omundu muguma, n'oluholo molwingira busana n'ekibi kiwe, neryo litya oluholo molwahika oko bandu bosî, kusangwa abosî mobakola ebibi.

Nîkwa lîlwe litolere itwalya n'eritsema, kusangwa mugala wenyû oyû abya aholire, na lino aneho, kandi abya aherire, neryo lino abiribanika.

— Lûka 15:32

Yoane 10:17, 18

Busana n'omwatsi oyū, Tata wage anyanzīre kusangwa ngasiga engebe yage inatoka erīswī-myayo. Sihali mundu oyukanyisagulayo, nīkwa ngasigayo omo hamūlī yage. Nyiwite ehamūlī y'erīsīgayo, kandi ngwite y'erīswī-myayo. Tata wage abirinyihana ati nyikole nyitya.

I Abanya Korīnto 15:3, 4

Kusangwa natsūka eribaha erīmbere omwatsi munene ogo na ngirira nibya, nyiti Kristo mwhola busana n'ebibi byetu ngoko kīsakīre omo Masako, kandi Yesu mwatabwa, neryo mwalūbū-

kībwa enyūma w'ebiro bisatu ngoko kīsakīre omo Masako.

Erībīsūlīrwa 1:18

Kandi īngye indi oyuliho! Nabya nyīholīre, neryo lebaya nyīriho kera na kera. Kandi nyiwite ebīboholī by'elubula n'eby'ekū-līmū.

Yoane 11:43, 44

Neryo abere abibuga emyatsi eyī, mwabirikira n'omulenget munene ati, Lazaro, huluka! Neryo oyo wabya aholīre mwahuluka inianasenga-sengīre omo ngimba oko byala n'oko bisando, n'obusu buwe ībūnasengīre omo luki-mba.

Eriibuka Ebihano 5:7-21

Simusyeba n'esindi Nyamuha-
nga ate ngye. Simusyeyiyirira es-
yosanamu esibatsire, kutse ekiso-
ekanio kyahi ky'ekinduki ekiri
omo kyanya mw'endata, kutse ek-
iri ahisi oko kitaka, kutse omo
magetsi eyikwa muna-kihugo. Si-
musyeramayabyo, kutse erikole-
rabyo; kusangwa ingye, Mwami
Mukulu, Nyamuhanga wenyu,
ingye Nyamuhanga w'obuha, eri-
suyira ebibi by'abotata oko bana,
n'oko bitsikulu oko lulengo lw'a-
kasatu n'oko lw'akani oko baka-
nyikwa obusu; n'erikanyia obu-
buya bw'olwanzo oko maelfu
abakanyanza n'eriteya ebihano

byage. Simusyehula erina ly'O-
mwami Mukulu Nyamuhanga
wenyu lyo busa; kusangwa Om-
wami Mukulu syendisyamuleka
oyukahula erina liwe lyo busa.
Mutegeye ekiro ky'eSabato, eri-
teyakyo mo kibuyirire, ngoko
Mwami Mukulu abahaha. Ebiro
ndatu mwasyahinga, n'erikola
omubiri wenyu gosi; nikwa ekiro
ky'ebirinda ni Sabato oko Mwa-
mi Mukulu Nyamuhanga wenyu;
simusyekola mukyo mo mubiri
wahi, uwe, kutse mugala wawe,
kutse mwali wawe, kutse omugombe
wawe w'obulume, kutse omugombe
wawe w'obukali, kutse ende yawe,
kutse epunda ya-

we, kutse oko bihangulo byawe, kutse ow'ehandi oyuli omo butala bwawe; omugombe wawe w'obulume n'og'obūkalī babane eriluhuka nga we. Kandi wasyibuka ko wabya mugombe omo kihugo ky'eMisiří, kandi **Omwami Mukulu mwabalūsyayo** omo byala biwe by'amaka n'omo kuboko kūyīsūmbire; busana n'ekyo, **Omwami Mukulu Nyamuhanga** wenyū mwabahana eriteya ekiro ky'e-Sabato. Ūsikaye Tata wawe na koyo wawe, ngoko **Mwami Mukulu Nyamuhanga** wawe abaha-na, ebiro byawe bibane erikanya, emyatsi yawe itoke eryowana

omo kihugo ekyo Nyamuhanga akabaha.

Ísīwīta.

Ísīwasīngīra.

Ísīwība.

Ísīwabehekereraya mūlīkyenyū y'amabehī.

Ísiwarumawa oko mūkalī wa mūlīkyenyū; kutse isiwayītsūtsa enyūmba ya mūlīkyenyū, kutse eririma liwe, kutse omugombe wuwe w'obulume, kutse omugombe wuwe w'obūkalī, ende yiwe, kutse epunda yiwe, kutse ekīndūkī mūlīkyenyū awite.

II Petero 3:7

Níkwa olubula lwa sesene n'ekihugo kya sesene, omo kínywa kya Nyamuhanga, bibikire busana n'erihisibwa omo muliro. Bibikire busana n'ekiro ekyo abandu abatekenga Nyamuhanga basyatswerwa n'eriheribwa.

Esyonyimbo 9:17

Ababi basyasuba omo kúlímú, n'ebihanda byosi ebikibirirawa Nyamuhanga.

Matayo 18:8

Ebyala byawe kutse ekisando kyawe byamaleka iwatswa, ūtwebyo, ugusebyo. Lyowene ndeke busana nawe eriingira omo bwami bwa Nyamuhanga iwabirire-

hemá kutse iwabirisindogera kwilaba eribya n'ebyalá bibiri kutse ebisando bibiri n'eriguswa omo muliro wa kera na kera.

Matayo 13:41, 42

Omugala w'Omundu asyatuma abamalaika buwe, basyakumakuma erilusya ebyosi ebikaleka abandu ibakola ebibi, n'abakola-nabi bosí b'omo Bwami buwe, asyagusabyo omo seke-seke y'omuliro, eyo abandu basyalira n'erikeregeta ameno wabo.

Matayo 25:46

Neryo aba basyagenda omw'i-suyira ly'erikota, níkwa abatunganene basyaya omo ngebe y'erikota.

Eritswera erikandisyasa

II Petero 2:9

Neryo Omukama anasi erila-mya abakamukenga okw'ilengwa-ko. Níkwa akabika ababi erisuyi-rabo erihika oko kiro ky'eri-tswnra.

Abaebrania 9:27

Kandi kyahírawa busana n'a-bandu bosí bahole ngendo ngu-ma, n'enýuma w'aho Nyamu-hanga atswerebo.

Emibírí 17:31

Kusangwa Nyamuhanga abírí-hira ekiro asyatswera ekihugo omo litunganene omo mundu oyo abihiyisoga, iniakaminyisayakyo oko bandu bosí, íníakalubukaya Omundu oyo y'oko baholí.

Abanya Roma 14:12

Neryo obuli mundu asyakanga-nia Nyamuhanga y'ebyo akola.

I Yoane 4:17

Neryo olwanzo lúkahíkana omwisi syetu, itwatoka erisíka oko Kiro ky'eritswerwa. Kusangwa ngoko Kristo ali, netu ko tuli tutya omo kihugo kino.

II Abanya Korinto 5:10

Kusangwa litolere ítwe bosí itwahuluka embere sya Kristo n'eritswerwa naye, neryo obuli mundu inialihwa busana n'emikolere eyo akola omo mubiri wu-we, yamabya íyowene kutse ini mibi.

I Petero 5:5b

Mwabirinenehya emitima yen-yu busana n'ekiro ky'erikerwa.

II Abana Korinto 8:9

Kusangwa munasi olukogo Iw'-Omukama wetu Yesu Kristo. Nomo anabya muteke, mwayiyira mo mwera busana nenyu, neryo imwatoka eribya bateke busana n'obwera buwe.

Abanya Roma 5:15

Adamu ali n'ekisosekanio ky'o-yukandisyasa. Nikwa olusunzo Iwa Nyamuhanga silulingene n'erihalya Iya Adamu. Kusangwa erihalya ly'omundu muguma moyaleta oluholo l'oko bandu bangi. Nikwa olukogo Iwa Nyamuhanga

ni lunene kw'aho, n'olusunzo busana n'olukogo Iw'omundu muguma, ye Yesu Kristo Iwasyakanyirira oko bandu bangi.

Emibirí 4:33

Kandi abakwenda mobatula omwatsi w'erilubuka ly'Omukama Yesu omo bütokí bunene, n'olukogo lunene Iwabya kubo abosi.

Abanya Roma 9:16

Neryo si busana n'erisonda ly'omundu kutse erikola liwe, nikwa busana n'eriganyira Iya Nyamuhanga.

II Abanya Korinto 9:15

Tuhe Nyamuhanga y'ewasingya busana n'olusunzo luwe olute Iwangatoka erikanibwa.

Eribinduka oko malolo

Neryo īnywe mubindule emitima yenyū mulolaye eyiri Nyamuhanga, ebibi byenyū bisangulawe.

— Emībīrī 3:19

Emībīrī 17:30

Nyamuhanga abīrīkīrūkya ameso oko migulu eyo abandu bataminya, nīkwa lino akahana abandu bosī, ehosī bangabindula emitima yabo n'erireka ebibi.

Matayo 3:2

Mubindule emitima yenyū erireka ebibi, kusangwa obwami bw'elubula buli hakūhi!

Ngababwira nyiti, Iyihi! Nīkwa nenyū, mwamatendibindula emitima yenyū erireka ebibi, īnywe

bosī mwasyahera ngoko banahera batya.

— Lūka 13:3

Petero mwabwirabo ati, Mubindule emitima yenyu, muleke ebibi, kandi obuli mundu abatīsībawé omo līna lya Yesu Kristo busana n'eribuyirwa ly'ebibi byenyū, neryo mwasyabana olūsūnzo lwa Nyamuhanga, Omūlīmū Abūyīrīre.

— Emībīrī 2:38

II Abanya Korīnto 7:10

Kusangwa obūlīge obo Nyamuhanga akalīga busana netu bukaleta eribindula omutima, n'eribana erilama eritawite eriswatsomana. Nīkwa obulige bw'eki-hugo bukaleta oluholo.

Erībīsūlīrwa 3:20

Lebaya nyinimene oko lūyī n'erikongota; omundu amowa omulenge wage, akakingula olūyī, nasyingira omo nyūmba yiwe, nasyalya haguma naye, naye asyalya haguma nage.

Matayo 6:14

Kusangwa mwamabuyira abandu kw'amalolo ago babiribakola, Tata wenyū w'elubula asyababuyira nibya.

Nikwa omubi amabinduka n'ereka ebibi biwe byosi ebyo abirkola, iniakakwama ebihano byage byosi, n'erikola erībanza n'ebitunganene, kwenene asyabyaho, isyendisyahola. — Ezekiel 18:21

Neryo Yesu, omugulu alangira erīkīrīrya lyabo, mwabwira omundu oyūbasīre ati, Mwana wage, ebibi byawe byamabibuyirwa. — Mariko 2:5

Omubi aleke enzira yiwe, n'omundu utatunganene aleke amalengekanīa wuwe. Asube oko Mwami Mukulu, naye asyamuganyira; asube ahali Nyamuhanga wetu, kusangwa asyamubuyira ndeke. — Isaya 55:7

Emībīrī 5:31

Nikwa Nyamuhanga mwamūhamya oko byala biwe by'amali ng'Omukulu n'Omulamya, ahe Israelī eribindula emitima yabo n'eribuyirwa ly'ebibi.

Isaya 1:16

Mūyeraye, muyikose. Mūlūsaye obubi bw'erikola lyenyū embere sy'ameso wage. Mumbaye okw'ikola ebibi.

Abanya Efeso 5:11

Simusangane omo mibiri y'omwirimya eyite n'endundi, nikwa mühülükayeyo oko kyakakala.

Abanya Kolosai 3:2

Mühire obulengekania bwenyū oko myatsi y'endata, butsira oko myatsi ya muna-kihugo.

Tito 2:11, 12

Kusangwa Nyamuhanga abi-riminyikalya olukogo luwe, olu-

kaleta erilama, busana n'abandu bosī. Olukogo olo lukatutegeka luti tugane emikolere eyitekenga Nyamuhanga, n'esyongumbu sy'ekihugo, luti, tuyitegaye, n'erikwama ekitunganene, n'erikenga Nyamuhanga omo mikolere yetu oko mugulu ono.

I Yoane 2:15, 16

Simwanze ekihugo. kutse emyatsi y'ekihugo. Omundu amanza ekihugo syawite olwanzo Iwa Tata. Kusangwa ebyosi bya muna-kihugo, esyongumbu sy'omubiri, esyongumbu sy'ameso, emiyiheko y'abandu, ebyosi ebī ni by'ekihugo, sibyelua uku Tata.

I Yoane 2:29

Mwamabya munasi Kristo kw'-atunganene, muminye kw'abosi abakakola ebitunganene babiribya bana ba Nyamuhanga.

Ezekiel 36:26

Kandi nasyabaha omutima muhyamuhyu nibya, kandi nasyahīra ekīrīmū kihya-kihya omwisi wenyū. Nasyalūsyā omutima w'e-rībwe owali omo mubiri wenyū. Nasyabaha omutima w'omubiri.

II Abanya Korīnto 5:17

Kusangwa omundu amabya amatikene na Kristo, ni mundu muhyamuhyu; emyatsi ya kera yabirirenga, neryo emyatsi mihyamihya yabīrīhīka.

Yoane 3:3

Yesu mwamūsūbīrya ati, Kwenene, kwenene, ngabūga nawenyiti, omundu amatendibutwa kandi syangatoka erilola oko bwami bwa Nyamuhanga.

Kusangwa mwabiributwa buhya-buhya, butsira omo mbuto eyikahonda, nīkwa omo mbuto eyitehonda, kye kīnywa kya Nyamuhanga, ekiri mw'engebe, kandi ekikakota. — I Petero 1:23

I Yoane 5:18

Tūnasī omundu oyo Nyamuhanga akabuta, syalikwamirira ebibi. Kusangwa Omugala wa Nyamuhanga akamūtegaya ndeke, n'omubi oyū syalīmūtlako.

Abanya Galatia 5:24

Neryo abali uku Kristo Yesu
babiribamba oko musalaba emya-
tsi yosi y'omubiri, haguma n'esy-
ongumbu n'erisonda lyago.

Abanya Kolosai 3:1

Neryo kusangwa mwabirilubu-
kibwa haguma na Kristo, muhire
emitima yenyu oko myatsi aho
Kristo ikere oko luhande Iw'ama-
li Iwa Nyamuhanga.

Abanya Roma 6:2, 11

Iyih i n'ahake. Itwe twamahola
oko bibi, twanganatoka eriswa-
bya omo bibi kwehi? ... Nenyu
nibya muyiganze ng'abaholi oko
bibi, nikwa ng'abaliho uku Nya-

muhanga busana n'erimatikana
na Kristo Yesu.

I Petero 2:24

Kristo iyowene-wene mwaheka
ebibi byetu omo mubiri oko mu-
salaba, itwatoka erihola oko bi-
bi n'eribyaho busana n'ekitunga-
nene, kusangwa mwalamibawa
omo mibibu yiwe.

Abanya Efeso 2:1, 6

Erimbere inywe mwabya baho-
li omo birimbu byenyu busana n'a-
malolo n'ebibi byenyu ... Kandi,
itumatikene na Kristo Yesu, abi-
ritusumba n'eritwikalaya haguma
na Kristo Yesu omo myanya y'e-
lubula.

Yoane 3:36

Oyūkikīrīraya Omugala awite engebe y'erikota; nikwa oyutekeenga Omugala siendisyalola okungebe, nīkwa erihitana lya Nyamuhanga līmwikerekō kera na kera.

Abanya Roma 6:23

Kusangwa obūhīngi bw'erikola ebibi ni luholo, nīkwa olūsūnzo olūkalūa uku Nyamuhanga ni ngebe y'erikota busana n'erimati-kana na Kristo Yesu Omukama wetu.

Yoane 3:14, 15

Ngoko Musa asumbira enzo-ka y'endata omo mbwarara, li-tya Omugala w'Omundu atolere

erisumbirwa endata. Neryo omundundi oyukamwikiriraya abane engebe y'erikota.

Yoane 5:24

Kwenene, kwenene ngababwira, oyūkowa ebīnywa byage, n'erīkīrīrya oyo wanyituma awite engebe y'erikota. Kandi siendisyatswerwa. Nikwa abīrīlūa omo Ju-holo, abiriingira omo ngebe.

Abanya Galatia 6:8

Kusangwa oyukabiba oko syongumbu siwe sy'omubiri wuwe asyahulula erihonda, nīkwa omundu oyukabiba omw'isonda ly'O-mūlīmū, Omūlīmū asyamuha erihulula engebe y'erikota.

Abanya Galatia 4:6

Kandi kusangwa muli bagala,
Nyamuhanga abirituma Omūlīmū w'Omugala wuwe omwisi w'emita
mitima yetu, owakabirikira ati,
Tata, Tata!

Yoane 14:21

Oyuwite ebihano byage n'erikengabyo, yo yukanyanza; kandi
Tata wage asyanza oyukanyanza;
nage nasyamwanza, nasyayika
ngya ukw'iye.

I Yoane 4:13

Nyamuhanga abirituha Omūlīmū wuwe, kikaleka itwaminya
ko tumatikene na Nyamuhanga,
kandi ko Nyamuhanga amati
kene netu.

I Yoane 3:18, 19

Bana bage, simwanze omo binywa kutse omo lulimi lusa, níkwa twanze omo mibiri n'ekwenene. Busana n'ekí, twasyaminya ko tuli b'omwatsi w'ekwenene, n'emita yetu yasyasika embere sya Nyamuhanga.

Isaya 32:17

Omūbiri w'eritunganene asyabya buholo, n'omūbiri w'eritunganene asyabya eriyibombeka n'eriyiketera ebiro byosi.

Abanya Roma 8:16

Omūlīmū oyū wa Nyamuhanga akatūlagó haguma n'ekirīmū kyetu ko tuli bana ba Nyamuhanga.

Eribya na Kristo likaha obutseme

Yoane 17:13

Neryo ngasa uk'uwe, n'emyatsi eyi ngabugayo omo kihugo, ibatoka eribya n'obutseme bwage obuhikene omo mitima yabo.

Yoane 15:11

Nabiribabwira emyatsi eyi, obutseme bwage bubyeye omo mitima yenyu, kandi obutseme bwenyu buhikane.

Abanya Galatia 2:20

Nabiribambwa oko musalaba haguma na Kristo, Nika lino nyineho; nika butsira ngye, Kristo aneho omwisi wage. Nengebe eyo nyiri nayo lino omo mubiri, nyiri nayo busana n'eri-

kiriya Omugala wa Nyamuanga; oyo wanyanza, n'eriyiha busana nage.

Esyonyimbo 16:11

Wasyanyikangya enzira yengebe, Embere sy'obusum bwawe hali obutseme oboswire, Kandi hakuhu nawe hali ebitsange bya kera na kera.

Abanya Roma 14:17

Kusangwa obwami bwa Nyamuhanga si mwatsi w'erirya kutse w'eripulya, nikwa ni butunganene, n'obuholo, n'obutseme obo Mulumu Abuyirire akaha.

Busana n'obutseme wasyateha amagetsi omo ngununuko y'omulamo.

— Isaya 12:3

Abanya Roma 2:13

Kusangwa Nyamuhanga sialī-tūngananaya abakowa Emigamba omo matwī masa. Níkwa abakakola ebyo Migambo ikahana, bo basyatūngananibwa.

Abanya Roma 6:16

Simwasī ngoko mugulu mukayiha oko mundu erīmowa ng'omukobe, kwenene muli abakobe b'ojo mūkowa, amabya w'ebibi, akaleta oluholo, amabya w'erīowa, akabayira mo batunganene.

II Abanya Tesalonika 1:7-9

N'inywe mukagalawa asyabaha eriluhuka, haguma netu, omugulu omukama Yesu asyabutuka

omo muliro owakaka erīlūa elubula haguma n'abamalaika buwe b'amaka. Kandi asyasuyira abatasī Nyamuhanga, n'abatekenga Engulu Yowene y'Omukama wetu Yesu. Basyasuyirwa omw'ihera lya kera na kera, n'erisololwa embere sy'Omwami Mukulu, n'oko lukengerwa lw'obūtokī buwe.

Eriibuka Ebihano 11:26-28a

Mūlebaye, ngahīra embere syenyū mūnabwīre omūyīsa n'obutakire; omūyīsa mwamatindahulikirira oko bihano by'Omwami Mukulu Nyamuhanga wenyū, ebyo ngabahana mūnabwīre; n'obutakire mwamatindahulikirira ebihano by'omwami Mukulu . . .

Matayo 10:32, 33

Obuli mundo oyukanyikanga-naya embere sy'abandu, nage na-syamukanganya embere sya Tata wage oyuli elubula. Nikwa oyukanyigana embere sy'abandu, neryo nage nibya nasyamugana embere sya Tata wage oyuli elubula.

I Yoane 2:23

Kusangwa oyukagana Omugala siawite Tata nibya, n'oyukaliga Omugala awite Tata nibya.

Luka 9:26

Nikwa omundu amanyikwa esisoni, n'eripona ebinywa byage, Omugala w'Omundu asyamukwa esisoni omugulu asyasa omo lu-

kengerwa luwe, n'olwa Tata wuve, n'olw'abamalaika babuyirire.

Abanya Filipi 2:11

Obuli mundu asyatulagania ko Yesu Kristo ni Mukama, busana n'eriha olukengerwa uku Nyamuhanga Tata.

Abanya Roma 10:9, 10

Kusangwa wamakangya omo buno ko Yesu ni Mukama, kandi wamikirira omo mutima wawe ko Nyamuhanga amulubukaya oko baholi, iwalamibwa. Kusangwa omundu amikirira omo mutima wuve busana n'eritunga-nanibwa na Nyamuhanga, kandi akatulago omo buno buwe, inialamibwa.

II Abanya Korīnto 2:11

Neryo Setanī sīyītūsinge omo mwatsi, kusangwa tūnasī esyombīta syayo.

I Petero 5:8

Mūlebaye, mūyītegaye! Kusangwa enzīgū yenyū Setanī ikagenda-genda ng'endale, eyikaruruma n'erisonda-sonda oyo yangalya.

Abanya Efeso 6:11

Mwambale ebindu byosī by'a-malwa bya Nyamuhanga, imwataoka erihangana n'erilwa n'amenge w'eSetanī.

Matayo 4:1, 10, 11

Neryo Omūlīmū mwasondola Yesu omo mbwarara, eSetanī imulengeko . . . Yesu mwabwira-

yo ati, Lūaho, uwe Setanī! Ku-sangwa Amasako ati, Wasyaramya Omukama Nyamuhanga wa-we, kandi wasyamukolera īyowe-ne. Neryo Setanī mwamūsīganīa; nīkwa abamalaīka mobasa n'erikolera Yesu.

Ukandisyalibūla ameso wabo, ibatoka eribinduka erīlūa omo mwīrīmya n'eribindukira ekyakakala, n'eribinduka erīlūa obo butabale bw'eSetanī, n'eribindukira Nyamuhanga. Neryo busana n'erīnyīkīrya babane eribuyirwa ly'ebibi, kandi babane omwanya omo katīkatī k'abandu abo Nyamuhanga abiriyisoga, n'abo abi-rihigula. — Emībīrī 26:18

I Yoane 3:8

Nikwa oyukakola ebibi nī w'e-Setanī, kusangwa Setanī atula akakola ebibi erītsūka erīmbere. Omugala wa Nyamuhanga mwa-minyikala busana n'omwatsi oyū, w'erīherya emībirī y'eSetanī.

Yakobo 4:7, 8a

Neryo mwolobe embere sya Nyamuhanga. Mulwe n'eSetanī, nayo ikandisyabasaga. Muyītūnde hakūhī na Nyamuhanga, naye akandīyītūnda hakūhī nenyū.

Abaebrania 2:14

Neryo kusangwa abana ni bandu b'omubiri n'omusasi, Yesu īyowene mwīmya omubiri n'omusasi ng'abo. Mwakola atya inia-

toka omo luholo luwe erīherya Setanī, oyo wabya n'obūtokī bw'-oluholo.

II Abanya Tesalonika 2:8

Neryo Omundu Mubi oyo asyabīsūlīrwa, n'Omukama Ye-su asyamwīta omo muka w'obuno buwe, n'erīmūtogotya omo lukengerwa Iw'erihuluka liwe.

Abanya Roma 8:35, 37

Nindi wasyatugabula oko Iwanzo Iwa Kristo kwehī? Nī būlīge, kutse amagalī, kutse eriendererrya, kutse enzala, kutse eribula eky'eriambala, kutse obwīko, kutse omūyalī kwehī? . . . Nikwa omo myatsi yosī eyī tūkakīnda ndeke busana n'oyo watwanza.

Omundu amabūga ati, Nyanzire Nyamuhanga, īnīakakwa mūlikyabo y'obusu; īnī mūbehī: Ku-sangwa oyūtanzire mūlikyabo oyo abirilolako, siangatoka erianza Nyamuhanga oyo ate atalo-lako

— I Yoane 4:20

Wagalatīa 5:22, 23

Nikwa emikolere eyīkalūa oko Mūlīmu yeyī: olwanzo, obutse-me, obuholo, eriyibombeka, ob-wenge, obubuya, eritendiregula.

Yoane 21:16

Neryo Yesu mwamūbūlya engendo y'akabiri ati, Sīmonī, mugala wa Yoane, ūnanyanzire kwe-hī? Naye mwamūsūbīrya ati, Ega, Mukama, ūnasī ko nyīkwanzire.

Yesu mwamubwira ati, Útegaye esyombūlī syage.

Yoane 13:35

Neryo mwabya n'olwanzo, omuguma busana n'ogundi, aban-du bosī basyaminya ko muli bi-ga bage.

I Abanya Korinto 13:1

Namabūga omo mībūge y'aba-ndu n'ey'abamalaīka, nikwa ising-wite Iwanzo, nabiribya ng'omuke-nge owakalahira kutse ng'eken-gele eyīkabūgīrana.

I Yoane 3:14

Itwe tūnasī ko twabīrlūa oko luholo, n'eribana engebe, twasī tutya kusangwa tukanza abalīky-etu. Oyutianza ikere omo luholo.

Abanya Roma 4:25

Yesu mwatwalwa oko luholo busana n'amalolo wetu, neryo mwalubukibwa erituyira mo batunganene.

Yoane 20:26-28

Neryo enyuma w'ebiro munani abiga buwe babya omo nyumba, na Toma haguma nabo. Neryo esyonyuyi isinakingire, Yesu mwasa, mwahangana omo katikati kabo, ati, Obuholo ukwinyewe! Neryo mwabwira Toma ati, Leta omunwe wawe, ulangire ebyala byage. Leta ebyala byawe, uhirebyo omo lukanga lwage, subye butikirirya, nikwa wikitirira-

ye. Toma mwamusubiryat, Omukama wage na Nyamuhanga wage!

Emibirí 10:39-41

Netu tuli balangiri b'emyatsi yosi Yesu akola omo kihugo ky'Abayuda neYerusalem. Kandi mobamwita nibya erimukongomerera oko musalaba. Nikwa Nyamuhanga mwamulubukya enyuma w'ebiro bisatu, kandi mwa-leka inialolwako. Nikwa abandubosi mobatmulolako, nina twe twabya balangiri abo Nyamu-hanga ayisoga erimbere. Itwe motwalya neripulya haguma naye abilubuka oko baholi.

Erilübuka ni maha wetu

Matayo 16:21

Erītsūka omugulu oyo Yesu Kristo mwatsūka erikangya abiga buwe kw'atolere eriya eYerūsalema, n'erīagalibwa omo myatsi mingi n'abakulu, n'oko bahererī bakulu, n'abakangīrīya b'E-migambo, n'erīitwa, n'erilübūkibwa enyūma w'ebiro bisatu.

Yoane 5:28, 29

... Simusweke busana n'ekī, kusangwa endambi ikasa, oko mugulu oyo, abosī abali omo masinda basyowa omulenge wuve. Basyalūa omo masinda wabo; abakola emibīrī mibuya basyalübuka oko ngebe, n'abakola

ebibi basyalübuka oko lubanza bw'eritswerwa.

Abanya Roma 6:3-5

Sīmwasī kwehī itwe bosī ngoko twabatisibawa erimatikana na Kristo itwabīribatisibwa erimata-na n'oluholo luwe kwehī? Neryo omo lūbatīso Iwetu twabiritabwa haguma na Kristo omo luholo luwe, Neryo ngoko Kristo alübūkibawa oko baholi omo lukengerwa Iwa Tata, litya netu itwatoka erirendera omo mibere y'engebe nyihya-nyihya. Kusangwa twamabohana naye omo luholo luwe, kwenene litya twasyabya buguma naye omw'ilübuka liwe.

I Petero 1:15

Nikwa mubye babūyīrīre omo migendere yenyū, nga Nyamuhanga oyo wababirikira abūyīrīre.

Lūka 1:74, 75

Atuhe erītongolibwa omo byala by'esyonzīgū syetu, itwamuklera butsira buba, Tubye babūyīrīre n'abatunganene embere siwe omo biro byetu byosī.

II Abanya Korīnto 7:1

Neryo īnywe banze betu, kusangwa tuwite esyondagane esī, tūyītegaye oko bītisīrīre byosī eby'omubiri n'ebi'ekīrimū, kandi tusonde eribya babūyīrīre ndeke

n'erirendera omo lubawa lwa Nyamuhanga.

I Petero 1:2

Nyamuhanga Tata, mwabaminya kera n'eriysisoga nywe. Omūlīmū Abūyīrīre iniabiribahigula, imwatoka erīowa Yesu Kristo n'erīerībwa omo musasi wuwe. Olukogo n'obuholo bibye ne-nyū kutsibu.

I Yoane 1:9

Nikwa twamakangya ekwene-ne y'ebibi byetu, Nyamuhanga siariregula, kandi akakola ekitunganene. Asyatubuyira ebibi byetu n'erītwerya kw'ekitatungane-ne kyetu kyosī.

Omundu amera oko myatsi mi-bi eyī, asyabya ng'ekibindi ky'e-mibīrī yowene, iniabirihi-gulwa erigasira Omukama wuwe, neryo abīrīsīka busana n'obuli mūbīrī owene. — II Timoteo 2:21

Waefeso 1:4

Nyamuhanga mwayisoga twe eribya buwe, erimatikana na Kristo embere w'erihangikwa ly'eki-hugo, ati, tubye ababūyīrīre butsira bulema embere wuwe.

Enzira nene yasyabyayo, n'embalu, nayo yasyahulwa mo mbalu y'eribūyīrīre; abatsandīre sibendisyalaba muyo. Nikwa ya-syabya busana n'abandu abaka-

labaho. Abandu bakīrū sibendi-syagalaganda. — Isaya 35:8

Abaebrania 13:12

Neryo Yesu nibya mwagalwa eyīhya oko lūkyo l'omūyī, iniatoka erihigula abandu omo musasi wuwe īgowene.

Matayo 3:11

Nikwa īngye ngababatīsaya omo magetsi erīkangya ngoko mwabiribindula emitima yenyū erireka ebibi; Nikwa oyukandi-syasa enyūma kwīngye asyababatīsya omo Mūlīmū Abūyīrīre n'omo muliro. Kandi anyīrengīrye maka, nage sinyitolere erimuhe-kerā syongendero siwe.

Emībīrī 13:52

Kandi abiga b'eAntīokīa mobū-sūla n'obutseme n'Omūlīmū Abū-yīrīre omugulu gosi.

Abanya Roma 8:9

Nīkwa simwekwama obūlenge-kanīa bw'omubiri, nīkwa obw'O-mūlīmū, Omūlīmū wa Nyamuha-nega amabya īkere omwisi wenyū.

Luka 11:13

Nomo mune babi, mūnasī eri-ha abana benyū b'olūsūnzo lubu-ya. Tata wenyū w'elubula sīala-bīre aho eriha Omūlīmū Abūyīrīre oko bakamūbūlaya kwehī?

Emībīrī 4:31

Neryo babere babisaba, aho babya bahīndene mohasūka-sū-

kanībwa, n'abosī mobūsūla n'O-mūlīmū Abūyīrīre, mobabūga ekīnywa kya Nyamuhangā omo butubaha.

Emībīrī 1:8

Nīkwa mwasyabana obūtokī omugulu Omūlīmū Abūyīrīre asyabahīkako. Kandi mwasyabya batūlī b'omwatsi wage eYerūsa-lema, n'omo Yūdea yosī, n'eSa-marīa, n'erīhīka oko ndūlī-ndū-lī y'ekihugo.

Ezekīelī 36:27

Kandi nasyahīra Omūlīmū wa-ge omwisi wenyū, n'erireka imwa-lendera omo migambo yage, ne-nyū mwasyateya erikola ebilayiro byage.

Erībīsūlīrwa 21:4

Nikwa asyasangula emīsonia
oko meso wabo. Kandi oluholo
silwendisyaswabyaho, erīsūsūma-
na kutse eririra, kutse eriagalwa.
Emyatsi y'erīmbere yabirirenga.

I Petero 4:12, 13

Abanze, simusweke busana n'e-
rirengwa erīkalīre erīkabahīko
nga ni kindu ky'ehandi busana
nenyū. Nikwa mutseme kusangwa
mukasangira amalige wa Kristo.
Neryo omugulu olukengerwa lu-
we Iwasyabīsūlwa, imwatoka erit-
sema n'eritsanga.

Īsaya 66:2

Kusangwa ebyala byage byo
byakola ebī byosī, n'ebindu byosī

mobyabyaho bitya, Omwami Mu-
kulu atya. Nikwa nasyasamalira
omundu oyūkayīkehaya n'ow'ekī-
rīmū kihehere, n'oyukatitimana
busana n'ekīnywa kyage.

Esyonyimbo 34:18

Omwami Mukulu ali hakūhī
n'ab'emitima ībūnangīkīre, akala-
maya abatawite amaha.

Mariko 9:23

Neryo Yesu mwamubwira ati,
Ūkabūga uti, wanganatoka! E-
myatsī yosī ikatokekana busana
n'omundu oyuwite erikīrīya.

Esyonyimbo 37:3

Uyiketere Omwami Mukulu,
ukole bibuya, wīkale omo kihugo,
ubye buholo.

Erilage oko bakalengawako

Abaebrania 2:18

Kusanwa iye abiriagalwa om'wilengwako, akatoka eriwatikya abakalengawako.

Tūnasi ngoko Nyamuhanga akaleka emyatsi yosi iyowana buna n'abakamwanza, kandi buna n'abo abirikira ng'eriyisünza liwe. — Abanya Roma 8:28

I Abanya Korinto 10:13
Erirengwako eryo likabahika
ko lye n'eryo lyo likanahika oko
bandi bandu; Nyamuhanga sia-
liregula siendisyaliga mukaleng-
wako kwilaba amaka wenyü; ní-
kwa omw'irengwako eryo asya-
baha amaka w'eriyiyinä n'enzi-
ra y'eribala.

Abanya Roma 16:20

Kandi Nyamuhanga oyukatuha obuholo, asyahinolera Satani yo lüba omwisi w'ebisando byenyü. Olukogo Iw'Omukama wetu Yesu lubye nenyü.

Esyonyimbo 34:19

Omundu oyutunganene akagala wa omo malige mangi, níkwa Omwami Mukulu akamülamaya omo gosi.

Omugulu tukalaba omo mwatsi, nasyabya haguma nawe, n'erilaba omo syonyüsí, sisyendisyakubwayirako. Omugulu ukalaba omo muliro siwendisyahya, kutse ekirimi ky'omuliro sikuendisyakühisa. — Isaya 43:2

Erilaga oko bakakīnda

Erībīsūlīrwa 3:21

Oyūkakīnda, nasyamuha ehamūlī erīkala haguma nage oko kītūmbī kyage ky'obwami, ngoko nīkala haguma na Tata wage oko kītūmbī kiwe ky'obwami.

Erībīsūlīrwa 3:5

Oyūkakīnda asyambalībwa es-yongimba nyeru-nyeru, kandi sindiendisangula erīna liwe omo kitabu ky'engebe. Nasyakangya erīna liwe embere sya Tata wage, n'abamalaīka.

Erībīsūlīrwa 3:12

Oyūkakīnda, nasyamuyira mondūyī y'omo Hekalū ya Nyamu-hanga wage, kandi īsiendīsyalūamo kera na kera. Kandi nasya-

musaka kw'erīna lya Nyamuha-nega wage, n'erīna ly'omūyī wa Nyamuhanga wage, go mūyī w'e-Yerūsalema muhya-muhyā, owan-disyandagala akalūa elubula uku Nyamuhanga. Kandi nasyamusaka kw'erīna lyage lihya-lihya.

Oyūkakīnda nasyamuha emyatsi eyī: Nasyabya Nyamuhanga wuwe, naye asyabya mugala wage. — **Erībīsūlīrwa 21:7**

Erībīsūlīrwa 2:7

Oyuwite amatwī owe ebyo Mū-līmū akabwira esyokanīsa! Oyū-kakīnda, nasyamuha ehamūlī y'erīrya oko bīgūma by'omuti w'en-gebe owakalasa omo Paradiso ye ririma lya Nyamuhanga.

I Abanya Korīnto 7:10, 11

Nikwa ngategeka abahīkenīe, nikwa ni Mukama, sī ngye, ati, Omūkalī sīalūe ūkwība wuwe. Nikwa omūkalī amalūamo, isiaswahīkībawa, kutse awesangana nība wuwe. Kandi omulume sia-hige omūkalī wuwe.

Lūka 16:18

Obuli mundu oyukakomola omūkalī wuwe akaswahīkyā ogundi mūkalī iniakasīngīra, n'oyūkahīkaya omūkalī oyuliakomolawa nība wuwe, iniamabīsingīra.

Abanya Roma 7:2, 3

Kusangwa omūkalī oyūhīkībwe abohīre ūkwība wuwe omugu-

lu gosī akineho; nīkwa ība wuwe amahola, iniamaboholwa oko mugambo owamuboha ūkwība wuwe. Neryo ība wuwe amabya akineho, omūkalī oyo amīkala n'ogundi mulume, asyahulwa mo mūsingīrī; nīkwa ība wuwe amahola, nī mwīranda omo migambo. Sī mūsingīrī amahīkīwa n'ogundi mulume.

Matayo 5:32

Nikwa īngye ngababwira nyiti, obuli mundu oyukakomola omūkalī wuwe, butsira busana n'omwatsi w'erīsingīra, akaleka īnāsingīra, n'omundu oyūkahīkaya omūkalī oyuliakomolawa īnāmasīngīra.

Kandi namayakokotya aho wenyū, nasyaswasa, n'eribatwala ewage; neryo imwatoka eribya aho nyiri. — Yoane 14:3

Ngandiasa lūba! Muhambe ndeke ebyo muwiteko, sihabye omundu oyūkahūngā embīta yawe. — Erībīsūlīrwa 3:11

Matayo 24:27

Kusangwa Omugala w'omundu asyasa ng'akarabyo akakakolera-ya kakalūa eyo eryuba likahulu-ka n'erīkangabasanīa, n'erīhīka eyo eryuba likalengera.

Kusangwa omundu amakwa esīsonī busana nage, kandi busa-na n'ebīnywa byage omo lulengo

lubi olū l'oluteto olutekenga Nya-muhanga, Omugala w'omundu asyamukwa esīsonī omugulu asyasa omo lukengerwa lwa Tata wuwe haguma n'abamalaika bu-we babūyīrīre. — Mariko 8:38

Neryo ekiminyikalo ky'Omuga-la w'Omundu kyasyahuluka omo kyanya; neryo ebihanda byosī by'omo kihugo byasyasūsūmana, kandi byasyalangira Omugala w'Omundu akasa oko bītū by'ekyanya n'obūtokī bunene n'oluke-ngerwa lunene. — Matayo 24:30

Nenyū nibya, muyibombeke! Mūsikaye emitima yenyū, kusa-ngwa ekiro ky'eriasa ly'Omuka-ma kiri hakūhī. — Yakobo 5:8

I Yoane 3:2

Abanze betu, lino tuli bana ba Nyamuhanga, níkwa sikiyetami-nyikala ngoko twasyabya. Níkwa tūnasī ekiro Kristo asyabutuka, twasyamusosa, kusangwa twasya-mulolako ngoko ali.

Kusangwa Omugala w'Omudu asyasa n'abamalaika buwe omo lukengerwa lwa Tata wuve; n'oko mugulu oyo asyahe-mba obuli mundu ng'emibīrī yi-we kw'iri. — Matayo 16:27

Nenyū nibya, mubyē īmūnasī-kire; kusangwa Omugala w'Omudu asyasa oko ndambī mūtale-ngekenie. — Lūka 12:40

Neryo basyalangira Omuga-la w'Omundu akahuluka omo kī-tū, n'obūtokī, n'olukengerwa lu-nene. — Lūka 21:27

Emibīrī 1:11

Bati, īnywe balume b'eGalila-ya, busana nakī mukahangana aho, mukasamalira omo kyanya kwehī: Yesu oyukabitwalwa elu-bula akalūa ūkw'īnywe, asyaswa-sa atya ngoko mukabimusama-lira akaya elubula.

Erībīsūlīrwa 16:15

Mūlebaye! Ngasa ng'omūrahī. Obutseme buli oko mundu oyuteyato, n'oyūkategaya esyongimba siwe, akasyalendera ndūmbū n'erihemuka embere sy'abandu.

Ekinywa kya Nyamuhanga

Ekyanya n'ekihugo byasyahwaho, nīkwa ebīnywa byage sibyendisyahwaho. —Lūka 21:33

Nīkwa Yesu mwasūbīryabo ati, Mukatala, sīmwasi Amasako, kutse amaka wa Nyamuhanga.

—Matayo 22:29

Kusangwa sihali eriminyerera eryahīka na kera omw'isonda ly'-omundu, nīkwa abandu mobabūga ebīnywa ebyo Nyamuhanga ahabo ibakasondolībawa n'Omūlimū Abūyīrīre. —II Petero 1:21

Kusangwa Amasako gosi Nyamuhanga yo wategekanayago. Kandi ali n'endūndī busana n'erīkangīrīrya omwatsi w'ekwene-

ne, kandi busana n'erikunga erihaba, kandi busana n'erihabula, n'erīkangīrīrya abandu erikwama ekitunganene. —II Timoteo 3:16

Ngabika emigambo yawe omo mutima wage, Neryo sindiendsyakukolera malolo.

—Esyonyimbo 119:11

Ekīnywa kyawe ni tala y'erinyisondola, Ni kyakakala busana n'enzira yage.

—Esyonyimbo 119:105

Simusyatomeka oko kīnywa ekyo ngabahana, kutse simusyekhayakyo, imwatoka erīteya ebihano by'omwami Mukulu Nyamuhanga wenyū ebyo ngabahana.

—Ebihano 4:2

Text reprinted from the Bible in Kinandi by permission of United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org